

17 მარტი 2017 წელი

ქ. თბილისი

ერთი მხრივ სსიპ „საქართველოს კომუნიკაციების ეროვნული კომისია“ (შემდგომში „შემსყიდველი“) წარმოდგენილი მისი თავმჯდომარის ვახტანგ აბაშიძის სახით და მეორე მხრივ შპს „აპლიუსი“ (შემდგომში „მიმწოდებელი“), წარმოდგენილი მისი დირექტორის თინათინ ვაშაკიძის სახით, „სახელმწიფო შესყიდვების შესახებ“ საქართველოს კანონის შესაბამისად გამარტივებული ელექტრონული ტენდერის ჩატარების შედეგად, რომელიც გამოცხადებული იყო შემსყიდველის მიერ 2017 წლის 03 თებერვალს (ტენდერის კოდი: SPA170002300 შესყიდვის კატეგორია: CPV-30192700), დებენ წინამდებარე სახელმწიფო შესყიდვის შესახებ ხელშეკრულებას შემდეგზე,

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში ხელშეკრულება) - „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის“ საფუძველზე, შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, დამატებით და ასევე ყველა დოკუმენტაციით, რომლებზეც ხელშეკრულებაში არის მინიშნებული.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს საქონლის შესყიდვას სახელმწიფო შესყიდვის შესახებ ხელშეკრულების შესაბამისად.
- 1.5. „მიმწოდებელი“ - პირი, რომელიც შემსყიდველს აწვდის საქონელს სახელმწიფო შესყიდვის შესახებ ხელშეკრულების შესაბამისად.
- 1.6. „მიღება-ჩაბარების აქტი“ - წერილობითი დოკუმენტი, რომელიც ფორმდება საქონლის მიღების შემდეგ.
- 1.7. შესყიდვის ობიექტი - ხელშეკრულების მე-2 მუხლში მითითებული საქონელი.
- 1.8. სატენდერო დოკუმენტაცია - შესყიდვების ერთიან ელექტრონულ სისტემაში ატვირთული სატენდერო განცხადება და თანდართული დოკუმენტები.

2. ხელშეკრულების საგანი

- 2.1. წინამდებარე ხელშეკრულების პირობების შესაბამისად, მიმწოდებელი უზრუნველყოფს შემსყიდველისთვის საკანცელარიო საქონელის მიწოდებას.
- 2.2. შესყიდვის ობიექტების დეტალური აღწერა მითითებულია დანართ N1-ში, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

ხელშეკრულების ღირებულება შეადგენს 2649 (ორიათას ექვსას ორმოცდაცხრა) ლარს საქართველოს კანონმდებლობით გათვალისწინებული გადასახადის ჩათვლით.

4. ანგარიშსწორების ფორმა და ვადები

- 4.1. შემსყიდველი მიმწოდებელთან ანგარიშსწორებას ახორციელებს მიმწოდებლის მიერ მითითებულ საბანკო ანგარიშზე თანხის გადარიცხვით ეროვნულ ვალუტაში.

4.2. მიმწოდებელთან ანგარიშსწორება იწარმოებს საქონლის მიღების თაობაზე მიღება-ჩაბარების აქტის შემსყიდველის მხრიდან ხელმოწერიდან 5 (ხუთი) სამუშაო დღის ვადაში.

5. მომსახურების მიწოდების ვადები და პირობები

5.1. მიმწოდებელი უზრუნველყოფს შემსყიდველისთვის შესყიდვის ობიექტის მიწოდებას წინამდებარე ხელშეკრულების ხელმოწერიდან 2017 წლის 31 დეკემბრის ჩათვლით მისამართზე (ქ. თბილისი, ქ. წამებულის გამზ./ბოჭორმის 50/18).

5.2. ხელშეკრულება შესრულებულად ჩაითვლება შემსყიდველსა და მიმწოდებელს შორის მიღება-ჩაბარების აქტის გაფორმების შემდეგ.

6. მიღება-ჩაბარება

6.1. შესყიდველის მხრიდან მიღება-ჩაბარების აქტებზე ხელმოწერის უფლებამოსილება ენიჭება კომისიის აპარატის ადმინისტრაციაში დასაქმებულებს რევაზ მორგოშასა და პავლე ანთელავას.

7. სტანდარტები და გარანტია

7.1. მიმწოდებელი ვალდებულია უზრუნველყოს ხარისხიანი და სტანდარტების შესაბამისი შესყიდვის ობიექტის მიწოდება.

8. მხარეთა უფლება-ვალდებულებები

8.1. შემსყიდველი უფლებამოსილია:

8.1.1. მოსთხოვოს მიმწოდებელს წინამდებარე ხელშეკრულებით ნაკისრი ვალდებულებების ჯეროვანი შესრულება.

8.1.2. ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი;

8.1.3. შესყიდვის ობიექტის მიწოდების დასრულებამდე გამოითხოვოს მიმწოდებლისაგან მისთვის საჭირო დოკუმენტი.

8.2. შემსყიდველი ვალდებულია:

8.1.1. უზრუნველყოს მიმწოდებლისათვის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

8.1.2. უზრუნველყოს წარმომადგენლის გამოყოფა, რომელიც ზედამხედველობას გაუწევს პროცესს და საჭიროების შემთხვევაში, მიმწოდებელს გაუწევს შესაბამის კონსულტაციას.

8.3. მიმწოდებელი უფლებამოსილია მოსთხოვოს შემსყიდველს ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

8.4. მიმწოდებელი ვალდებულია მიაწოდოს სათანადო ხარისხის შესყიდვის ობიექტი სრული მოცულობით.

9. ხელშეკრულებით ნაკისრი ვალდებულებების შესრულების კონტროლი და შემოწმება

9.1. შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე.

9.2. ხელშეკრულებით ნაკისრი ვალდებულებების შესრულებაზე კონტროლის და შემოწმების განხორციელების უფლება შემსყიდველის მხრიდან ენიჭება კომისიის აპარატის ადმინისტრაციაში დასაქმებულებს რევაზ მორგოშასა და პავლე ანთელავას, რომლებიც არ იმყოფებიან მიმწოდებელთან ინტერესთა კონფლიქტში.

10. პირგასამტეხლო ხელშეკრულების პირობების შეუსრულებლობისათვის

10.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეებს დაეკისრებათ პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

10.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 1 (ერთი) პროცენტს, მხარე იტოვებს უფლებას შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

10.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

11. ხელშეკრულებაში ცვლილების შეტანა და ხელშეკრულების შეწყვეტა

11.1. ხელშეკრულებაში ნებისმიერი ცვლილების ან/და დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-20 მუხლის შესაბამისად.

11.2. ხელშეკრულება შეიძლება შეწყდეს ვადაზე ადრე მხარეთა შეთანხმებით ან კანონმდებლობით გათვალისწინებულ შემთხვევებში.

11.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის ან/და არაჯეროვანი შესრულების შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, აღნიშნულის თაობაზე მეორე მხარისათვის წერილობითი შეტყობინების შემდეგ.

11.4. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულების შესრულებისაგან.

11.5. შემსყიდველს, შეუძლია მიიღოს გადაწყვეტილება ხელშეკრულების შეწყვეტის შესახებ, ასევე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების ან/და ლიკვიდაციის შემთხვევაში;

გ) თუ მისთვის ცნობილი გახდა, რომ მიმწოდებლის მიერ წარმოდგენილი დოკუმენტაცია ყალბია;

დ) საქართველოს კანონმდებლობით გათვალისწინებულ სხვა შემთხვევაში.

11.6. ამ მუხლის 11.5. პუნქტის ა) ქვეპუნქტში მითითებულ შემთხვევაში შემსყიდველი ვალდებულია აუნაზღაუროს მიმწოდებელს ფაქტობრივად მიწოდებული საქონლის ღირებულება.

12. გამოყენებული სამართალი და ხელშეკრულების ენა

12.1. ხელშეკრულება გაფორმებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

12.2. ხელშეკრულება დაიწერა ქართულ ენაზე, ორ ეგზემპლარად და ორივე ეგზემპლარს აქვს თანაბარი იურიდიული ძალა.

13. გადასახადები და დაბეგვრა

მიმწოდებელი პასუხს აგებს საქართველოს კანონმდებლობით დადგენილი გადასახადის, მოსაკრებლის და სხვა გადასახდელების გადახდაზე.

14. დაუძლეველი ძალა

14.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით.

14.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის შესახებ.

14.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

15. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, მხარეები უფლებამოსილნი არიან დავის გადასაწყვეტად მიმართონ საქართველოს შესაბამის სასამართლოს, საქართველოს კანონმდებლობის შესაბამისად.

16. ინტერესთა კონფლიქტის თავიდან აცილება

წინამდებარე სახელმწიფო შესყიდვის მოსამზადებელ ეტაპზე შემსყიდველის მიერ გარკვეულია, რომ შემსყიდველის მიერ არ არის დარღვეული „სახელმწიფო შესყიდვების შესახებ“ საქართველოს კანონით განსაზღვრული ინტერესთა კონფლიქტის დებულებები.

17. ხელშეკრულების მოქმედების ვადა

ხელშეკრულება ძალაში შედის ხელმოწერის დღიდან და მოქმედებს 2018 წლის 31 იანვრის ჩათვლით.

შემსყიდველი:

მიმწოდებელი:

სსიპ „საქართველოს კომუნიკაციების ეროვნული კომისია“ მისამართი: ქ. თბილისი, ქეთევან წამებული გამზირი/ბოჭორმის ქ. №50/18 საიდ. კოდი: 204953050 სს „თი ბი სი ბანკი“ ბანკის კოდი: 220101830 ა/ა: GE11PB0600000000609326	შპს „აპლიუსი“ მის: ქ. თბილისი, ლვოვის ქ. N14 საიდ. კოდი: 405129668 სს „საქართველოს ბანკი“ ბანკის კოდი: BAGAGE22 ა/ა: GE91BG00000000616426800GEL
--	--

კომისიის თავმჯდომარე

ვახტანგ აბაშიძე



შპს „აპლიუსი“

დირექტორი

თინათინ ვაშაკიძე



ერთი მხრივ სსიპ „საქართველოს კომუნიკაციების ეროვნული კომისიასა“ (შემდგომში შემსყიდველი) და მეორე მხრივ შპს „აპლიუსს“ (შემდგომში მიმწოდებელი) შორის 2017 წლის 17 მარტს გაფორმებული №17/03-17-2 სახელმწიფო შესყიდვის შესახებ ხელშეკრულების შესაბამისად შესყიდვის ობიექტებია:

N	დასახელება	რაოდენობა	ერთეული ფასი	საერთო ფასი
1	ფანქარი	100	0.09	9
2	ანტი სტეპლერი	20	0.64	12.8
3	საკანც. ნაკრები, 9 საგანი შავი	5	5	25
4	კალამი ბურთულიანი 1.00მმ. შავი	100	0.08	8
5	კალამი ბურთულიანი ლურჯი	300	0.1	30
6	კალამი ბურთულიანი წითელი	100	0.08	8
7	საშლელი საოფისე	30	0.12	3.6
8	ტექსტმარკერი (ყვითელი; მწვანე)	60	0.38	22.8
9	პერგამენტის მარკერი სხვადასხვაფერი	20	0.38	7.6
10	ჩასანიშნი არაწებოვანი 4 ფერი, 76X76 მმ 100ფ.	50	0.83	41.5
11	ჩასანიშნი წებოვანი ფერადი, 76X76 მმ, 400 ფ.	30	1.85	55.5
12	კონვერტი დიპლომატიური თვითწებადი, 11X22სმ	100	0.04	4
13	სტეპლერი N – 24/6,25 ფ	20	2.1	42
14	ფანქრის სათლელი	20	0.13	2.6
15	კონვერტი ა4	100	0.11	11
16	წებო მშრალი საოფისე, 9 გრ	40	0.2	8
17	საკანცელარიო ჯამი პლასტმ. დაბურული/გამჭვირვალე	20	3	60
18	სანაგვე ურნა მეტ. ბადე, მრგვალი, შავი 9ლტ	5	3.66	18.3
19	კალკულატორი სამაგიდე, 12 თანრიგი 13X17სმ.	10	4.5	45
20	ჭიკარტი ფერადი მაღალი თავით	10	0.65	6.5
21	ჭიკარტი ჩვეულებრივი	30	0.37	11.1
22	დიდი სტეპლერი რომელიც კინძავს 50-60 გვერდს	1	8.42	8.42
23	გამჭვირვალე ყდა	10 შეკვრა	6.68	66.8
24	ფერადი ყდები	10 შეკვრა	7.87	78.7
25	მექანიკური ფანქარი	20	0.69	13.8
26	დაფის მარკერები	20	0.35	7
27	CD მარკერი	30	0.37	11.1
28	დაფის საწმენდი	5	0.74	3.7
29	მაკრატელი 20 სმ	10	1.44	14.4
30	მაკრატელი 17 სმ	10	1.36	13.6
31	ფერადი ჩასანიშნი წებოვანი ქაღალდი	40 ცალი-800 ფურცელი	2.91	116.4

32	ფერადი ჩასანისნი წებოვანი ქაღალდი	40 ცალი-500 ფურცელი	1.9	76
33	ბლოკნოტი A 4 მყარი ყდით	8 ცალი-96 ფურცელი	4.32	34.56
34	ბლოკნოტი A 5 ზამბარით	10 ცალი-40 ფურცელი	0.69	6.9
35	ბლოკნოტი A 6 ზამბარით	10 ცალი-40 ფურცელი	0.69	6.9
36	ბლოკნოტი A 5 ზამბარით	10 ცალი-80 ფურცელი	2.99	29.9
37	სკრები N 3	300	0.35	105
38	სკრები N 5	3	0.93	2.79
39	ზამბარა	12 მმ 2 შეკვრა თეთრი	7.09	14.18
40	ზამბარა	16 მმ 2 შეკვრა თეთრი	9.37	18.74
41	ზამბარა	20 მმ 2 შეკვრა თეთრი	8.25	16.5
42	ზამბარა	32 მმ 2 შეკვრა თეთრი	12.9	25.8
43	ზამბარა	25 მმ 2 შეკვრა თეთრი	9.81	19.62
44	სტეპლერის ტყვია	100 ცალი-24/6	0.29	29
45	სტეპლერის ტყვია	50 ცალი-N 10	0.19	9.5
46	სტეპლერის ტყვია	5 ცალი-50-60 ფურცელზე	0.3	1.5
47	სტეპლერის ტყვია	2 ცალი-210 ფურცელზე	1.33	2.66
48	კლიპი	50 ყუთი (60 ცალი)- 15მმ	0.37	18.5
49	კლიპი	50 ყუთი- 19მმ	0.41	20.5
50	კლიპი	50 ყუთი- 25მმ	0.71	35.5
51	კლიპი	20 ყუთი- 32მმ	1.02	20.4
52	კლიპი	20 ყუთი- 41მმ	1.68	33.6
53	კლიპი	20 ყუთი- 51მმ	2.74	54.8
54	დაფის საწმენდი აეროზოლი	5 ცალი	3.69	18.45
55	მეტალის სახაზავი 30 სმ,50,100	2-2 ცალი	2.63	15.78
56	მონიტორის საწმენდი სითხე	20	1.02	20.4
57	მონიტორის საწმენდი სველი ხელსახოცი	20 ცალი	0.63	12.6
58	მეტალის 3 განყოფილებიანი თარო	5 ცალი	8.5	42.5
59	საკანცელარიო დანა პატარა	40	0.32	12.8
60	საკანცელარიო დანა დიდი	20	0.27	5.4
61	სკოჩი დიდი	20	0.4	8
62	სკოჩი პატარა	50	0.09	4.5

63	კორექტორი კალამი	30	0.55	16.5
64	კორექტორი ფუნჯით	30	0.59	17.7
65	წებოვანი ქაღალდი 3 სხვადასხვა ზომა	30-30 ცალი	0.5	45
66	ბლოკნოტი მოსახვევი	30	0.47	14.1
67	CD, DVD ჩასადები	10	0.24	2.4
68	დივადერი მუყაოს შეკვრა	50	0.36	18
69	სწრაფჩამკერი	300 ცალი	0.17	51
70	ტექსტმარკერი ლურჯი	15	0.38	5.7
71	საქაღალდე რეზინით დასაჭერი	40 ცალი	0.8	32
72	საქაღალდე 10 ფაილიანი	20 ცალი	1.03	20.6
73	საქაღალდე 30 ფაილიანი	10 ცალი	1.7	17
74	სწრაფჩამკერი	250 ცალი	0.17	42.5
75	ბაინდერი განიერი	150 ცალი	2.2	330
76	ბაინდერი ვიწრო	100 ცალი	2.25	225
77	ფაილი (შესარებით სქელი)	30 შეკვრა	2.3	69
78	ჩასანიშნი ქაღალდი თეთრი	100	1.6	160
79	მექანიკური ფანქრის გული 0.3-ანი, 0.5-ანი, 0.7-ანი	2-2 ცალი	0.5	3
80	სტიკერები 16 ნაწილიანი - 100 ფურც.	2 შეკვრა	12	24
81	სტიკერები 24 ნაწილიანი -100 ფურც.	2 შეკვრა	12	24
82	სტიკერები 21 ნაწილიანი -100 ფურც.	2 შეკვრა	12	24
83	კედლის საათი	2 ცალი	9	18
	მოთხმენი ღირებულების ჯამი გადასახადების ჩათვლით			2649 ლარი

სსიპ „საქართველოს კომუნიკაციების ეროვნული კომისია“ მისამართი: ქ. თბილისი, ქეთევან წამებულის გამზირი/ბოჭორმის ქ. №50/18 საიდ. კოდი: 204953050 სს „თი ბი სი ბანკი“ ბანკის კოდი: 220101830 ა/ა: GE11PB060000000609326	შპს „აპლიუსი“ მის: ქ. თბილისი, ლვოვის ქ. N14 საიდ. კოდი: 405129668 სს „საქართველოს ბანკი“ ბანკის კოდი: BAGAGE22 ა/ა: GE91BG0000000616426800GEL
---	--

კომისიის თავმჯდომარე

ვანტანგ აბაშიძე



შპს „აპლიუსი“
დირექტორი

თინათინ გამაყიძე

